

Մ Ա Յ Ր Ա Թ Ո Ռ

Ամառուայ ամիսներում Մայր Աթոռ հիւր են եկել բաւականաչափ անձինք, թէ անհատներ և թէ խմբերով: Դպրոցական սաներից յատկապէս պէտք է յիշել Նոր Նախիջևանի թեմական դպրանոցի Ե. Զ. դասարանների աշակերտները, որոնք թուով 14 հոգի պ. պ. Յովհաննէս Ղարիբեանի և Աստուածատուր Աղէքեանի առաջնորդութեամբ դուրս էին եկել Անդրկովկասեան վայրերից մի քանիսն այցելելու: Էջմիածին եկան յուլիս 18-ին ու տեսնելով տեղիս հնութիւններն ու հետաքրքիր վայրերը անցան Անի:

Նոյն ամսի 16-ին էքսկուրսանտների մի միջազգային խումբ, հայերից, վրացիներից և ռուսներից Անիից էջմիածին է գալիս:

Բայց էքսկուրսանտների մէջ ամենից հետաքրքիր էր Շվեցարացի ալպինիստների խումբը, որ օգոստոսի կէսին գալով Արարատեան դաշտը, նպատակ էր դրել Մեծ Մասիսի գագաթը բարձրանալ: Նոքա հրաւիրում են նաև Մեսրոբ եպիսկոպոս Տէր Մովսիսեանցին ու օգոստոսի 17-ին ամենայն յաջողութեամբ գլուխ են բերում իրանց մտադրութիւնը: «Արարատ»-ի յաջորդ համարում Տ. Մեսրոբ եպիսկոպոսը իր նշանաւոր վերելքի մասին մի յօդուած կը տայ:

«Արարատ» ամսագրի յարգելի խմբագրութեան

Նորին Սրբութիւն Գէորգ Ե-րդ Վեհափառ Հայրապետը նախ քան ս. Օծումը բարեհաճեց իր եպիսկոպոսական զգեստները նուիրել Մայր Տաճարին ի գործադրութիւն:

Յայտնելով Նորին Սրբութեան իմ որդիական շնորհակալիքս, խնդրում եմ «Արարատ»-ի առաջիկայ համարում զետեղել զրութիւնս յիշեալ նուէրների մասին, որոնք հետեւեալներն են.

1. Գաւազան վիշապագլուխ, արծաթ ոսկեզօծ, ընդելուզուած հասարակ քարերով մի հատ.
2. Թագ եպիսկոպոսական, սպիտակ ատլաս, ասեղնագործ խաչելութեան և ծննդեան պատկերներով մի հատ.
3. Քօղ գաւազանի կարմիր թաւիշ, ասեղնագործ մի հատ.
4. » » » աթլազ, ասեղնագործ մի հատ.
5. Արտախուրակք սպիտակ ատլազ, ասեղնագործ մի զոյգ.
6. Վակաս ասեղնագործ, 12 առաքելոց պատկերներով, միջակէտին պատկեր Փրկչի մի հատ.
7. Բազպան, երկու զոյգ. մինը կարմիր թաւիշ, ոսկեթել ասեղնագործ, և միւսն արծաթաթել ասեղնագործ 2 զոյգ.
8. Եմիփորոն սպիտակ զառ Ռուսաստանի, հինգ խաչով արծաթ աղխով. ասեղնագործ մի հատ.
9. Շուրջառ սպիտակ աթլազ, դեղին ոսկեթել ծաղկօք արծաթ ոսկեզօծ աղխիւք մի հատ.
10. Փորուրար նոյն շուրջառի կտորից մի հատ.
11. Կիսանմիփորոն սպիտակ մետաքսեայ ծաղկօք, արծաթ ոսկեզօծ աղխիւք մի հատ.
12. Քօղ սկիհի, կապտագոյն աթլազ, ասեղնագործ մի հատ.
13. Խաչ ձեռաց արծաթ ոսկեզօծ բոլորշին, 10 կարմիր քարերով, միջակէտի քարերը ընդելուզուած սպիտակ քարերով մի հատ.
14. Եմիփորոն կարմիր թաւեայ ոսկեթել ասեղնագործ, արծաթ ոսկեզօծ աղխիւք մի հատ.
15. Շուրջառ սպիտակ զառ, դեղին զառ ծաղիկներով Ռուսաստանի արծաթ ոսկեթել աղխիւք մի հատ.
16. Շուրջառ դեղին ոսկեթել, կարմրագոյն մետաքսեայ ծաղիկներով մի հատ.
17. Շապիկ դեղնագոյն մետաքսեայ ծաղկօք մի հատ.

14 Յուլիս 1912 թ.

Մոսկովարնակ մեծարգոյ պ Արսէն Բուդաղեան ի յիշատակ իր մօր ուղարկել է բարձր. Տ. Մատթէոս վարդապետի ձեռքով Մ. Տաճարի գործածութեան համար մի փութ ընտիր կնդրուկ:

Շնորհակալութեամբ ք. դռներով այդ սրտաբուլիս նուէրը, Մայր Տաճարում, կնդրուկի սրբազան բուրմունքի հետ վերառաքում եմ առ Աստուած իմ լաւագոյն բարեմաղթութիւններս, շնորհելու բարեպաշտ նուիրառուներին երկար և անզորր կեանք:

Այս մատին խնդրում եմ հրատարակել «Արարատի» մերձակայ համարում

6 Յուլիս 1912 թ.

Մայր Տաճարի Լուսարարպետ՝ Ղեւոնդ եպիսկոպոս